



FLETORJA ZYRTARE E REPUBLIKËS SË SHQIPËRISË

Botim i Qendrës së Publikimeve Zyrtare

www.legjislacionishqiptar.gov.al

Nr.137/1

27 dhjetor

2006

P Ë R M B A J T J A

Faqe

Vendim i KM
nr.750, datë 9.11.2006

Për disa ndryshime dhe shtesa në vendimin nr.198, datë 5.4.2006 të Këshillit të Ministrave “Për pranimet në universitetet dhe shkollat e larta, për vitin akademik 2006-2007, në sistemin me kohë të plotë, dhe për përcaktimin e tarifës së shkollimit, në sistemin me kohë të plotë”, të ndryshuar..... 2

Vendim i KM
nr.795, datë 27.11.2006

Për një shtesë fondi në buxhetin e vitit 2006, miratuar për Ministrinë e Ekonomisë, Tregtisë dhe Energjetikës, për mbulimin e shpenzimeve për organizimin e veprimtarive të Crans Montana Forum..... 4

VENDIM
Nr.750, datë 9.11.2006

PËR DISA NDRYSHIME DHE SHTESA NË VENDIMIN NR.198, DATË 5.4.2006 TË KËSHILLIT TË MINISTRAVE “PËR PRANIMET NË UNIVERSITETET DHE SHKOLLAT E LARTA, PËR VITIN AKADEMIK 2006-2007, NË SISTEMIN ME KOHË TË PLOTË, DHE PËR PËRCAKTIMIN E TARIFËS SË SHKOLLIMIT, NË SISTEMIN ME KOHË TË PLOTË”, TË NDRYSHUAR

Në mbështetje të nenit 100 të Kushtetutës dhe të neneve 24, 31 e 42 të ligjit nr.8461, datë 25.2.1999 “Për arsimin e lartë në Republikën e Shqipërisë”, të ndryshuar, me propozimin e Ministrit të Arsimit dhe Shkencës, Këshilli i Ministrave

VENDOSI:

1. Në vendimin nr.198, datë 5.4.2006 të Këshillit të Ministrave, të ndryshuar, të bëhen këto ndryshime e shtesa:

a) Fjala e dytë, e pikës 7, ndryshohet, si më poshtë vijon:

“Masa e tarifës së shkollimit, për studentët, që ndjekin studimet në degë të dytë, të përcaktohet me udhëzim të përbashkët të Ministrisë së Arsimit dhe Shkencës dhe Ministrisë së Financave.”.

b) Pas pikës 10 të shtohen pikat 10.1 dhe 10.2, me këtë përmbajtje:

“10.1 Studentët, që ndjekin studimet, sipas fakulteteve dhe degëve përkatëse, me kuota dytësore, të përjashtohen, në të gjitha vitet e shkollimit, nga tarifa e veçantë e shkollimit.

10.2 Tarifa e shkollimit, e përcaktuar për kuotën e pranimi, për studentët, të cilët janë regjistruar me kuota dytësore, në fakultete dhe degë të ndryshme, të shkollave të larta, përpara vitit akademik 2006-2007, të reduktohet në masën e kuotës kryesore.”.

c) Pika 11 të ndryshohet, si më poshtë vijon:

“11.Studenti i nënshtrohet vetëm në tarife shkollimi, e cila duhet të jetë tarifë shkollimi me kuota kryesore ose me degë të dytë. Studentët përsëritës i nënshtrohen së njëjtës tarifë shkollimi, me kuota kryesore ose me degë të dytë, të vitit akademik 2006-2007.”.

ç) Pika 13 ndryshohet, si më poshtë vijon:

“13. Studentët, që kërkojnë të transferojnë studimet nga arsimit i lartë jopublik në arsimin e lartë publik, brenda sistemit tonë të arsimit të lartë (vite të ndërmjetme), si dhe ata nga jashtë Republikës së Shqipërisë, i nënshtrohen tarifës së shkollimit, të barabartë me tarifën e kuotave kryesore, duke filluar nga viti akademik 2006-2007.”.

2. Efektet financiare, që rrjedhin nga ndryshimi i tarifës së shkollimit, të përballohen nga buxheti vjetor, i miratuar për Ministrinë e Arsimit dhe Shkencës.

3. Ngarkohet Ministria e Arsimit dhe Shkencës për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Sali Berisha

VENDIM
Nr.795, datë 27.11.2006

PËR NJË SHITESË FONDI NË BUXHETIN E VITIT 2006, MIRATUAR PËR MINISTRINË E EKONOMISË, TREGTISË DHE ENERGJETIKËS, PËR MBULIMIN E SHPENZIMEVE PËR ORGANIZIMIN E VEPRIMTARIVE TË CRANS MONTANA FORUM

Në mbështetje të nenit 100 të Kushtetutës, të nenit 21 të ligjit nr.8379, datë 29.7.1998 “Për hartimin dhe zbatimin e Buxhetit të Shtetit të Republikës së Shqipërisë” dhe të nenit 12 të ligjit nr.9464, datë 28.12.2005 “Për Buxhetin e Shtetit të vitit 2006”, me propozimin e Ministrit të Ekonomisë, Tregtisë dhe Energjetikës, Këshilli i Ministrave

VENDOSI:

1. Ministrisë së Ekonomisë, Tregtisë dhe Energjetikës, në buxhetin e miratuar për vitin 2006, zëri “Shpenzime korrente”, t’i shtohet fondi prej 32 000 000 (tridhjetë e dy milionë) lekësh për mbulimin e shpenzimeve të nevojshme për organizimin e veprimtarive të Crans Montana Forum, që do të zhvillohen jashtë shtetit dhe në Shqipëri, në maj të vitit 2007, në kuadër të marrëveshjes së bashkëpunimit të Këshillit të Ministrave të Republikës së Shqipërisë dhe këtij Forumi.

2. Ky fond të përballohet nga pjesa e papërdorur e fondeve, të dhëna me vendimin nr.67, datë 9.2.2006 të Këshillit të Ministrave “Për përzgjedhjen e shoqërisë, që do të bëjë kontrollin e procedurave dhe të ligjshmërisë së kontratës për privatizimin e “Albtelecom” sh.a.”.

3. Ngarkohen Ministria e Ekonomisë, Tregtisë dhe Energjetikës dhe Ministria e Financave për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Sali Berisha

Abonimet vjetore mund të bëhen pranë Postës Shqiptare ose pranë Qendrës së Publikimeve Zyrtare, në adresën: Bulevardi "Zhan d'Ark", prapa ish-ekspozitës "Shqipëria Sot", nr.tel: 04 267 468
Çmimi i abonimit për Fletoret Zyrtare 2006 është 18 000 lekë.

BOTIMET E QENDRËS SË PUBLIKIMEVE ZYRTARE

- 1. KUSHTETUTA E SHQIPËRISË**
- 2. KODET E LEGJISLACIONIT SHQIPTAR**
- 3. REGJISTRAT E NOTERISË**
- 4. PËRMBLEDHJE LEGJISLACIONI:**

1. PËR PROKURIMIN PUBLIK (2006).....	1500
2. PËR NËPUNËSIN CIVIL (2005)	600
3. PËR SISTEMIN E DREJTËSISË (Vëllim I-rë dhe vëllimi i II-të-2006).....	1300
4. PËRMBLEDHËSE LEGJISLACIONI NË FUSHËN E ARSIMIT.....	500

Botime të reja

1 TREGUESI KRONOLOGJIK I LEGJISLACIONIT-2004 (Vëllimi I).....	1000
2 TREGUESI KRONOLOGJIK I LEGJISLACIONIT-2006 (Vëllimi II).....	500
3 TREGUESI TEMATIK I LEGJISLACIONIT-2004 (Vëllimi I).....	1000
4 TREGUESI TEMATIK I LEGJISLACIONIT-2006 (Vëllimi II).....	500
5 PËRMBLEDHJE MARRËVESHJESH NDERKOMBËTARE NË FUSHËN E DREJTËSISË.....	1000
6 PËRMBLEDHJE LEGJISLACIONI PËR PUSHTETIN VENDOR.....	800
7 PËRMBLEDHJE LEGJISLACIONI PËR NDËRTIMET.....	500
8 PËRMBLEDHJE VENDIMESH UNIFIKUESE TË GJYKATËS SË LARTË (2000-2006).....	1000
...	
9 PËRMBLEDHJE LEGJISLACIONI PËR SHOQERITË TREGTARE.....	500

Hyri në shtyp më 19.12.2006
Doli nga shtypi më 27.12.2006

Tirazhi: 4000 copë	Formati: 60x88/8
---------------------------	-------------------------

Shtypshkronja Grafon
Tiranë, 2006

Çmimi 50 lekë